

Gvangjsih Minzcuz Bau

ganhhau: CN45-0036 B.2020 Nd.6 Ng.24 liggaueq genceij nienz ndwenngux coseiq

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3429 期

Veih Yungjhungz Youq Gwnz Ban Son- lien Cienmonz Gangj 《Aen Diuzlaeh》

6 nyied 16 hauh banhaet, Swcigih Minzcunghvej dangcuj cwnzyenz, fucujyin Veih Yungjhungz hwnjdangz, cienmonz gangj dangzgoq 《Aen Diuzlaeh Hong Vahsaw Siujsiq Minzcuz Gvangjsih Bouxcuengh Swcigih》(gangj dinj heuhguh 《Aen Diuzlaeh》, bai-laeng cungj baenzneix heuh) hawj gyoengq boughag ndaw ban sonlien dingq; aen ban sonlien neix dwg 2020 nienz Swcigih Minzcunghvej hidungj

son'gyauq hagsib gij cingsaenz Cibgouj Gaiq Seiq Cung Cienzhoh Aendangj vanzlij cienmonz hagsib hong minzcuz cunghgyau caeuq cauhaeb dangfungh lenzcwng.

Youq gwnz dangz, Veih Yungjhungz baijok gij saehlaeh sengdoengh, daj goek daengz byai yienghyiengh cungj gangj gij neiyungz 《Aen Diuzlaeh》. Veih Yungjhungz vixok, guh daengzdaej doeksaed 《Aen Diuzlaeh》

neix, ikleih bauj gij gienz gak siujsiq minzcuz sawjyung caeuq hwnghat vah saw bonjfaenh, baujhoh caemhcaiq ciepcienz vah saw siujsiq minzcuz, sawj vwnzva siujsiq minzcuz hwnghoengh, coicaenh minzcuz doxgiet cinbu.

Daengxcungq boughag daj Swcigih Minzcunghvej gihgvanh, danhvei baihlaj caeuq 14 aen si minzcunghvej daeuj de dingq dangzgoq neix.

(Vuz Yungz)

SIUSIK DINJ

● 6 nyied 19 hauh, Mungzsanh Yen Youzcwng Gunghsw hgyoengq ganbu cizgungh gyaban guhong, coengh ndaw yienh Sihhoz Cin Vajcungh Cunh ranzungzhoh faen cang dangzrwi baenz daeh baenz sieng, yinh bae Vuzcuh. Ngoenzde gai bae dangzrwi 2500 lai gaen, souhaeuj daihgaiq 7.5 fanh maenz. Seizneix doengh ranzungzhoh youz aen gunghsw neix bangfuz haenx, gai dangzrwi liuxcaez gvaq.

(Gvanh Sinh)

● 6 nyied 19 hauh, youq Sanhgyangh Duncuz Swciyen Yangzhoh Yangh Anhmaj Cunh, gyoengq mehmbwk Duncuz, Myauzcuz, Yauzcuz nyaengq nyib mae baizgiuz. Vihliux guh ndei hong duet-gungz gunggheng, aen cunh neix cunhminz hozcozse caeuq Liujcuh Si Gvang'yauz Sanghmou Gunghsw doxgap, yinxhaeuj gij hanghmoeg fwngz nyib lwggiuz, cauhaeb gij cehgenh banggunz aen cunh neix, hawj gyoengq mehmbwk ndaw mbanj miz hong guh, aenq moix bough ndwen lai ndaej 600 maenz.

(Gunj Yicungh)

● 6 nyied 17 hauh, Gvangjsih Bouxcuengh Swcigih 2020 nienz "sam gih" vunzcaiz vwnzva gyaak bonjsaeh Yungzsuij Myauzcuz Swciyen dieg gungzhoh (ban sonlien cab nyumx gisuz) youq Yanghfwng Yangh Yijbuz Cunh dieggoek ndangdaenj Myauzcuz gawjbanh. Gungh miz 65 bough vunz ranzungzhoh, boughmaij cab nyumx daeuj hag.

(Yinz Minjcwnz)

● 6 nyied 19 hauh, "Lozcwngz Mulajcuz Swciyen 2020 ciubing senhconz hauej hagdangz hozdung" youq ndaw yienh Daih'it Gauhcungh hainduj. Ndaw yienh vujcanghbu cwnghbingbu doengh boughlingdauj, bough guh hong ciubing gangj gij cwnghcwz ciubing ceiq moq de hawj 1000 lai bough hagseng gauhcungh sam nienzgaep rox, gujli gyoengqde dangbing, okrengz hawj guekgya.

(Lij Dwzgunh)



Sanhgyangh: Youq Mbanj Duncuz Yienj Vwnzyi Cezmuz Ndeiyawj

6 nyied 20 hauh, aen hozdung 2020 nienz vwnzyi ndei roengz caengzdaej(lajmbanj) yienjok neix, daengz Sanhgyangh Duncuz Swciyen Gujyiz Cin Fuanh Gyahyenz yienjok; de youz Swcigih Dangjvej Senhconz Bu, Swcigih Vwnzva Caeuq Lijyouz Dingh doxgap cawjbanh, aen "cauhaeb aen Gvangjsih gyaunde saedyienh aen loqsiengj fukhwng" guh cawjdaez. Swcigih Hiyen Duenzheiqcuengh gyoengq yienjyenz yienj ciengqgoq diuqfoux, Heiqcuengh, siujbinj daengj lai cungj cezmuz, yunghsim haenqrengz gangj ndei cwnghcwz banggunz, gangj ndei gojgaeq duetgungz, yienj haujlai cezmuz ndeiyawj dangqmaz, hawj mbanj Duncuz gyoengqvunz senj dieg de yawj ndaej gvaqyinx.

(Gungh Bujgangh)

Swcigih Minzcunghvej Coengh Gveizdangz Cunh Banh Hozdung Hag Fwencuengh Fwengun

6 nyied 17 daengz 18 hauh, aen hozdung 2020 nienz hag fwen Vahcuengh Vahgun youq Ningzmingz Yen Cwnghcungh Cin Gveizdangz Cunh gawjbanh, de youz Swcigih Minzcunghvej hauejcoengh vixyinx, Gveizdangz Cunh okrengz banh. Gungh miz 50 bough ginzung ndaw cunh daeuj dang boughag. Swcigih Minzcunghvej Minzcuz Yijvwnz Cu baij vunz daengz dangciengz vixyinx.

Baez hozdung neix cingj ndaw swcigih ndaw yienh doenghboux canghfwen okmingz, lauxsae Vahcuengh Vahgun daeuj, hwnjdangz hawj gyoengq boughag dingq, son gyoengqde hag gij cihsiz giekdaej Vahcuengh Sawcuengh, gij cihsiz giekbonj fwen Bouxcuengh, vanzlij baenzlawz cauhook caeuq yienjciengq fwen Vahcuengh Vahgun.

Mwh guh hozdung, doenghboux

canghfwen mizmingz ndaw swcigih aeu Bujdunghva daj gyauej daengz rieng lwnh caez, gangj gij diuh caeuq ciengqfap fwen Bouxcuengh, caemhcaiq dangciengz yienjciengq. Cieplaeng, youz canghfwen ndaw yienh aeu Vahcuengh daeuj son boughag aeu gak dieg ciengqfap hag ciengq 《Fwen Coux Hek》《Gwndaenj Vuenyungz Fanh Bi Nanz》《Fwen Soengq Hek》daengj.

(Moz Liujgvei Yauz Wnhmingz)